



ՆԱՅԱՍԱՆԻ ՆԱԼԻՊԵՏՈՒԹՅԱՆ ՍԱՆՄԱՆԱԴՐԱԿԱՆ ԴԱՏԱՐԱՆԻ ԹԻՎ 1 ԴԱՏԱԿԱՆ ԿԱԶՄԻ  
Ո Ր Ո Շ ՈՒ Մ Ը

ԱՆՆԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՆԱՐՅԻ ՎԵՐԱԲԵՐՅԱԼ

Քաղ. Երևան

13 հուլիսի 2013թ.

Նայասարանի Նանրապետության սահմանադրական դատարանի  
թիվ 1 դատական կազմը՝

Նախագահությամբ՝ Ն. Նազարյանի  
Անդամակցությամբ՝ Վ. Նովիաննիսյանի  
Ա. Խաչատրյանի

Ուսումնասիրելով «Արարատ ԶԷԳ» ՓԲԸ-ի դիմումով գործը  
քննության ընդունելու մասին հարցը,

**Պ Ա Ր Զ Ե Ց .**

Նամաձայն ՆՏ Սահմանադրության 101-րդ հոդվածի 1-ին մասի 6-րդ կետի՝  
«Արարատ ԶԷԳ» ՓԲԸ-ն դիմել է ՆՏ սահմանադրական դատարան՝ խնդրելով «ՆՏ քաղաքա-  
ցիական դատավարության օրենսգրքի 213-րդ հոդվածի 1-ին մասի 3-րդ կետի «ստացվել»  
բառը՝ այնքանով, որքանով չի երաշխավորում իրավական որոշակիություն եւ կանխապես-  
լիություն, ճանաչել Նայասարանի Նանրապետության Սահմանադրության 1-ին հոդվածին  
հակասող եւ անվավեր»:

Ըստ դիմումին կից ներկայացված փաստաթղթերի՝ 2012 թվականի ապրիլին «Արարատ ԶԷԳ» ՓԲ ընկերությունը հայցադիմումներ է ներկայացրել ՆՏ Լոռու մարզի ընդհանուր իրավասության դատարան՝ ապօրինի ջրառի կատարումը դադարեցնելու եւ վնասի փոխհատուցման պահանջների մասին: Այդ հայցադիմումները մերժվել են: Առաջին արյանի դատարանի, ինչպես նաեւ վերաքննիչ դատարանի կայացրած վճիռների դեմ ներկայացված բողոքները չեն բավարարվել:

Ելնելով դիմումի եւ կից ներկայացված փաստաթղթերի ուսումնասիրությունից, ղեկավարվելով «Սահմանադրական դատարանի մասին» ՆՏ օրենքի 32-րդ եւ 69-րդ հոդվածների պահանջներով, դատական կազմը գտնում է, որ վերոհիշյալ դիմումով գործի քննությունը ենթակա է մերժման հետեւյալ պարճառաբանությամբ:

Դիմողը չի ներկայացրել որեւէ ապացույց ՆՏ քաղաքացիական դատավարության օրենսգրքի 213-րդ հոդվածի 1-ին մասի 3-րդ կետին իր նկատմամբ կիրառված լինելու վերաբերյալ: Մինչդեռ անհատական դիմումին ներկայացվող պահանջներից մեկն էլ դիմողի նկատմամբ **ընդհանուր իրավասության կամ մասնագիտացված դատարանի կողմից** վիճարկվող դրույթի կիրառումն է: Այս պայմանը, ի թիվս այլնի, նախատեսված է «Սահմանադրական դատարանի մասին» ՆՏ օրենքի 69-րդ հոդվածի 1-ին կետով: ՆՏ սահմանադրական դատարանն իր ՄԴԱՌ-21 որոշման մեջ իրավական դիրքորոշում է արտահայտել առ այն, որ օրենքի 69-րդ հոդվածի 1-ին մասում նշված որեւէ պայմանի բացակայության դեպքում անհատական դիմում ներկայացրած ֆիզիկական կամ իրավաբանական անձը սահմանադրական դատարան դիմելու համար իրավասու սուբյեկտ չէ:

Բացի դրանից, վիճարկելով վերոհիշյալ իրավադրույթի սահմանադրականությունը՝ **դիմողը չի ներկայացրել պարզաճ իրավական հիմնավորումներ դրանց ենթադրյալ հակասահմանադրականության վերաբերյալ:** Մինչդեռ «Սահմանադրական դատարանի մասին» ՆՏ օրենքի 69-րդ հոդվածի 4-րդ մասը՝ որպես անհատական դիմումի ընդունելիության պայման, սահմանում է, որ դիմումը պետք է պարունակի Սահմանադրությանը հակասելու հիմնավորումներ: Այս համարեքսպում ՆՏ սահմանադրական դատարանն իր ՄԴՌ-839 որոշման մեջ դիրքորոշում է հայտնել այն մասին, որ «Սահմանադրական դատարանի մասին» ՆՏ օրենքի 69-րդ հոդվածի 4-րդ մասն ամրագրում է վիճարկվող դրույթի՝ Սահմանադրությանը հակասելու հիմնավորումներ ներկայացնելու՝ դիմողին ներկայացվող պահանջը, համաձայն որի՝ վիճարկվող օրենքի դրույթի հակասահմանադրականությունը պետք է հիմնավորված լինի օրենքի 68-րդ

հողվածի 7-րդ մասում նշված որեւէ հասկանիշով: Դիմումի ուսումնասիրությունը վկայում է, որ առկա չէ օրենքի 68-րդ հոդվածի 7-րդ մասով պայմանավորված՝ խնդրո առարկա դրույթի ենթադրյալ հակասահմանադրականության որեւէ հիմնավորում:

Դիմողը նաեւ **չի հիմնավորել, թե վիճարկվող նորմի «հակասահմանադրականության» արդյունքում իր սահմանադրական որ իրավունքներն են խախտվել, ինչպես նաեւ չի հիմնավորել այդ իրավունքների ենթադրյալ խախտման փաստի եւ վիճարկվող իրավադրույթի հակասահմանադրականության միջև պարզառահեղուանքային կապի առկայությունը**, ինչը, ըստ «Սահմանադրական դատարանի մասին» ՏՏ օրենքի 69-րդ հոդվածի 7-րդ մասի եւ սահմանադրական դատարանի՝ ՄԴՈ-839 որոշման մեջ արտահայտված իրավական դիրքորոշման՝ անհատական դիմումն ակնհայտ անհիմն համարելու հիմք է:

Դատական կազմը գտնում է, որ դիմողի համար առաջացած անբարենպաստ հետեւանքներն ընդամենը նրա նկատմամբ կայացված համապատասխան դատական ակտերի արդյունք են, այսինքն՝ խնդրո առարկա դրույթի սահմանադրականությունը վիճարկելով՝ դիմողն ընդամենը բարձրացնում է դրա կիրառման իրավաչափության հարց:

Առաջնորդվելով ՏՏ սահմանադրական դատարանի՝ 2009 թվականի մարտի 17-ի ՍԴԱՈ-21 որոշման մեջ արտահայտված իրավական դիրքորոշմամբ, համաձայն որի՝ բոլոր այն դեպքերում, երբ դիմողը, ձեւականորեն վիճարկելով օրենքի դրույթի սահմանադրականության հարցը, ըստ էության բարձրացնում է այդ դրույթի կիրառման իրավաչափության հարց, ապա այդպիսի դիմումները ենթակա են մերժման՝ «Սահմանադրական դատարանի մասին» ՏՏ օրենքի 32-րդ հոդվածի 1-ին կետի հիմքով՝ որպես սահմանադրական դատարանի քննության ենթակա հարց չառաջադրող դիմումներ, դատական կազմը գտնում է, որ ԿԿԿ-ի դեպքում առկա է դիմումի քննության ընդունումը մերժելու՝ «Սահմանադրական դատարանի մասին» ՏՏ օրենքի 32-րդ հոդվածի 1-ին կետով նախատեսված հիմք:

Ելնելով վերոշարադրյալից եւ ղեկավարվելով «Սահմանադրական դատարանի մասին» ՏՏ օրենքի 32-րդ հոդվածի 1-ին եւ 6-րդ կետերով եւ 69-րդ հոդվածի 7-րդ մասով՝ ՏՏ սահմանադրական դատարանի թիվ 1 դատական կազմը

## **Ո Ր Ո Շ Ե Ց.**

«Արարատ ԶԷԳ» ՓԲ ընկերության անհատական դիմումով գործի քննության ընդունումը մերժել:

**Նախագահող՝**

**Անդամներ՝**

13 հուլիսի 2013 թվականի  
ՍԴԴԿՈ/1-23